

報本年十一月初二日有噶喇國夷船一隻駛至廈門次日即據該夷目喇弗得登岸謁見據稱因西洋各國均准五口通商伊等先未到過各口故自香港起程至上海甯波轉至廈門查看馬頭及各處貿易情形以便載貨前來銷賣並無他事現在船內亦未帶有貨物等語其詞色禮貌均極恭順該道等旋即親至其船察看該船共載夷官七名夷兵七十二名夷礮十四門餘無別物至十二日該船即開駕出口等情前來臣劉韻珂查前據浙江甯紹台道等稟有噶喇國夷船一隻於十二月十三日駛進甯波停泊至二十五日起碇開行其夷目譯名噶喇今興泉